

# IZLOŽBA I KNJIGA KOJA NAS SE TIČE

Tokom marta 2015. desila se u Sarajevu izložba, a nedugo zatim i promocija knjige "Tragovima naših komšija: Jevreji u Bosni i Hercegovini i holokaust" koju su pripremili mladi istraživači Anisa Hasanhodžić i Rifet Rustemović.

Na vrlo dobar način, uspjeli su da sakupe fotografije i priče o ljudima – Jevrejima iz desetine gradova u Bosni i Hercegovini, gdje Jevreja više nema, kao i onih mesta gdje još postoje Jevrejske opštine, te iza svake fotografije smjeste priču o komšijama kojih u stvari više nema.

Naravno, nije to vesela izložba, ne završava se happy-endom, jer se ni životi onih o kojima govori nisu tako završili. Radi se o podsjećanju na gubitak za cijelokupnu zajednicu,

ne samo jevrejsku, jer je u Bosni u holokaustu nestalo 12-13.000 Jevreja, tačan broj ćemo teško ikada tačno utvrditi, ali to i nije bitno.

Ovaj projekat je finasiran od strane programa Evropske unije Evropa za građane i Ministarstva za obrazovanje, umjetnost i kulturu Republike Austrije, a podršku i pomoć je pored filozovskog fakulteta Univerziteta u Tuzli pružila i "La Benevolencija"

Vjerujemo da će izložba u narednom periodu biti prikazana u nekoliko gradova u Bosni i Hercegovini, a onda, zašto da ne i u našem okruženju, barem onom gdje nemamo jezičkih prepreka i gdje nema potrebe za prevođenjem.



Projekat je dobio zaslужenu medijsku pažnju, a sada, po izlasku knjige, očekujemo i ocjene stručne javnosti, jer knjigu ove vrste do sada nismo imali na našem prostoru.

Jakob FINCI

